

Na osnovu člana 28. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj 49/06) i člana 53. Statuta Općine Tešanj ("Službeni glasnik Općine Tešanj" broj 11/07), članovi skupštine na Skupštini održanoj _____ godine donose

S T A T U T

mjesne zajednice _____

I - OSNOVNE ODREDBE

Član 1.

Statutom mjesne zajednice uređuju se: poslovi i organizacija mjesne zajednice, organi mjesne zajednice, radna tijela, način njihovog rada i odlučivanja, javnost rada i informisanja, saradnja sa općinskim i drugim organima i organizacijama, kao i druga pitanja značajna za rad mjesne zajednice u skladu sa Ustavom i Statutom Općine.

Člana 2.

Područje MZ _____ čini dio područja općine Tešanj koje obuhvata više naseljenih mjesta kako slijedi _____.

Član 3.

MZ ima svojstva pravnog lica.
MZ ima pečat okruglog oblika u kome je u obliku kruga upisan tekst:
Bosna i Hercegovina
Federacija Bosne i Hercegovine
Zeničko-dobojski kanton
Općina Tešanj
Mjesna zajednica _____.

Član 4.

Predsjednik Skupštine ili Predsjednik Savjeta MZ u okviru svojih nadležnosti predstavljaju mjesnu zajednicu i zastupaju je u svim poslovima sa trećim licima, osim u slučaju kada je zakonom utvrđeno da mjesnu zajednicu zastupa Općinsko javno pravobranilaštvo. Skupština može posebnim aktom u skladu sa ovim Statutom odrediti obim ovlaštenja u zastupanju MZ i odrediti druga lica ovlaštena da predstavljaju i zastupaju MZ.

II – PRAVA I DUŽNOSTI MJESNE ZAJEDNICE

Član 5.

U MZ građani odlučuju o ostvarivanju svojih zajedničkih interesa i o solidarnom zadovoljavanju zajedničkih potreba u oblasti uređenja naselja, stanovanja, komunalne djelatnosti, dječije i socijalne zaštite, obrazovanja i vaspitanja, kulture, fizičke kulture, tehničke kulture, zaštite i unapređenja čovjekove sredine, civilne zaštite kao i u drugim oblastima života i rada.

Član 6.

Građani u MZ daju inicijative, prijedloge i mišljenja, učestvuju i odlučuju o:

- obrazovanju nove MZ i promjeni područja MZ,
- donošenju Statuta i drugih opštih akata,
- obezbjeđivanju i korištenju sredstava za zadovoljavanje zajedničkih općih potreba u MZ,
- odnosima MZ prema drugim subjektima,
- ostvarivanju drugih prava i dužnosti u skladu sa Ustavom, Zakonom o principima lokalne samouprave, Statutom Općine i ovim Statutom.

Član 7.

Mjesna zajednica je nadležna za iniciranje poslova koji neposredno utiču na svakodnevne potrebe, život i rad građana a naročito:

- izgradnja i održavanje puteva, vodovoda, kanalizacije i drugih komunalnih potreba,
- izgradnja i održavanje električnih, telefonskih, gasnih i drugih instalacija,
- izgradnja, uređenje i održavanje naselja, parkova, nasada, sportskih i dječijih, objekata, igrališta i terena, grebalja/grobalja
- čišćenje i održavanje javnih površina, odvoz smeća, otpada, odvođenje otpadnih voda, te zaštitu okoliša,
- organizovanje i unapređenje zdravstvene, socijalne, obrazovne, kulturno-vaspitne i humanitarne djelatnosti,
- organizovanje i sprovođenje mjera civilne zaštite i elementarnih nepogoda,
- ušešće u javnoj raspravi, davanje mišljenja i prijedloga za nacрте razvojnih i drugih planova općine,
- saradnja sa svim službama općine, organima i organizacijama,
- inicira i vrši sve druge poslove od zajedničkog interesa utvrđene Zakonom, Statutom općine i ovim Statutom.

Član 8.

U okviru prava i dužnosti MZ u imovinsko-pravnoj oblasti, organi MZ su dužni, prije donošenja akta kojim se regulišu imovinsko-pravni odnosi, zaštita i korištenje sredstava i dobara od opšteg interesa pribaviti pravno mišljenje nadležnog općinskog pravobranioca. Prije zaključenja ugovora o kupovini i prodaji nekretnina sa građanima i građansko-pravnim licima te ugovora o građenju i udruživanju sredstava za građenje, organi MZ su dužni pribaviti pravno mišljenje nadležnog općinskog pravobranioca.

Član 9.

Mjesna zajednica može u skladu sa utvrđenim kriterijima dodjeljivati odgovarajuća priznanja građanima, organizacijama, udruženjima i zajednicama. Bliže kriterije kao i način i postupak za dodjeljivanje priznanja regulisat će Skupština MZ posebnom odlukom.

Član 10.

Građani u MZ odlučuju ličnim izjašnjavanjem (na referendumu, zboru građana, zboru stanara, anketiranjem) sporazumijevanjem putem predstavnika u organima MZ, donošenjem odluka koje se prvenstveno donose usaglašavanjem stavova na bazi ravnopravnosti svih zainteresovanih učesnika.

ORGANI MJESNE ZAJEDNICE

Član 11.

Radi ostvarivanja ovim Statutom utvrđenih prava i dužnosti građana organi MZ su:

- Zbor građana,

- Skupština i
- Savjet MZ

Organi MZ mogu obrazovati i druge organe ili tijela. (arbitražno vijeće)

Aktom o obrazovanju organa utvrđuje se pobliže njihov djelokrug, način rada i sastav, kao i druga pitanja od značaja za rad tog organa.

Član 12.

Organi MZ izvršavaju svoje funkcije u skladu sa Zakonom o principima lokalne samouprave, Statutom općine Tešanj i ovim Statutom. Organi u MZ podnose redovne izvještaje o svom radu u određenom periodu, kao i posebne izvještaje kada to zatraže građani na zboru. Postupak za utvrđivanje odgovornosti organa MZ mogu pokrenuti građani na zboru, Skupština i Savjet MZ, i grupa građana putem građanske inicijative.

Skupština MZ utvrđuje odgovornost za organe koje ona bira odnosno imenuje. Zavisno od stepena utvrđene odgovornosti pojedinog člana ili organa može se izreći kritika ili predložiti pokretanje postupka za opoziv odnosno razrješenje **putem službe koja kordinira rad sa mjesnim zajednicama.**

Član 13.

Nadzor nad zakonitošću rada organa MZ obavlja Općinski načelnik neposredno i preko općinskih službi za upravu. Općinsko vijeće na prijedlog Općinskog načelnika može u slučaju nerada ili nezakonitog rada, raspustiti izabrane organe MZ i naložiti izbor novih organa MZ. Do provođenja novih izbora, ali ne duže u roku od 90 dana od dana raspuštanja. Poslove organa MZ obavljat će povjerenik koga odlukom o raspuštanju organa imenuje Općinsko vijeće.

ZBOR GRAĐANA

Član 14.

Građani na zboru daju inicijative, prijedloge, mišljenje, usaglašavaju stavove u ostvarivanju svojih prava i interesa i donose odluke u skladu sa zakonom i ovim Statutom. Predsjednik skupštine saziva zbor po sopstvenoj inicijativi ili na prijedlog Skupštine, Savjeta i drugih organa MZ i drugih organizacija i udruženja građana sa područja MZ. Obavještenje o sazivanju zbora objavljuje se tako da građani budu blagovremeno upoznati s dnevnim redom, mjestom i vremenom održavanja zbora.

Član 15.

Građani na zboru biraju predsjedništvo. Predsjedništvo se sastoji od predsjedavajućeg i dva člana i istog broja zamjenika, koji se biraju na vrijeme od četiri godine. Predsjedništvo priprema i rukovodi radom zbora, a mogu mu se povjeriti i drugi poslovi u pogledu sprovođenja odluka zbora, obavještanja i sl.

Član 16.

Građani na zboru:

- mogu pokrenuti inicijativu za izmjene i dopune Statuta mjesne zajednice
- pokreću i odlučuju o inicijativi o obrazovanju nove MZ,
- vode raspravu o pitanjima o kojima se odlučuje referendumom,
- razmatraju izvještaje i nacрте, odnosno prijedloge koje donosi Općinsko vijeće i drugi organi i organizacije sa područja MZ ako u MZ za ta pitanja imaju interes i razmatraju druga pitanja značajna za život i rad u MZ.

Član 17.

Zbor građana održava se prema potrebi. Zbor građana može punovažno odlučivati ako je prisutno najmanje 1/10 građana sa područja MZ. O radu zbora vodi se zapisnik koji sadrži mjesto i vrijeme održavanja zbora, broj prisutnih, dnevni red, zaključke i odluke koje

zbor donese. Odluka se smatra donesenom ako se za nju izjasni većina od ukupnog broja prisutnih građana na zboru, ako zakonom i ovim Statutom drugačije nije određeno.

SKUPŠTINA MJESNE ZAJEDNICE IZBOR I KONSTITUISANJE

Član 18.

Skupštinu mjesne zajednice kao najviši organ upravljanja broji _____ članova.

Član 19.

Sastav Skupštine odražava izborne rezultate ostvarene na općinskim izborima a prema rezultatima i volji biračkog tijela mjesne zajednice.

Pravo da budu predlagani za članove Skupštine MZ imaju svi građani koji žive na području MZ i koji u skladu sa Ustavom i zakonom imaju biračko pravo.

Izbor članova Skupštine mjesne zajednice vrši se u roku od 30 dana nakon konstituisanja novog saziva Općinskog vijeća.

Član 20.

Skupština mjesne zajednice konstituise se na osnovu rezultata provedenih izbora za Općinsko vijeće na području te mjesne zajednice na prijedlog političkih partija koje participiraju u Općinskom vijeću na slijedeći način:

Rezultati Općinske izborne komisije-OIK su validni za izračun i predstavljaju osnov za provođenje izbornih rezultata te konstituisanje organa mjesne zajednice.

Od ukupnog broja prebrojanih važeći glasačkih listića oduzimamo glasačke listiće političkih stranaka koje ne participiraju u Općinskom vijeću.

Dobiveni broj dijelimo sa brojem članova Skupštine i dobijemo broj za jednog člana Skupštine.

Ako dobiveni broj nije cijeli broj, isti se zaokružuje na dvije decimale.

Potom, broj osvojenih glasova političke stranke dijelimo sa dobivenim brojem za mandat jednog člana Skupštine i ako nismo dobili cijeli broj, isti se zaokružuje na dvije decimale.

Skupština MZ se popunjava na osnovu prijedloga političkih stranaka koje su osvojile cijeli broj, a ako zbir cijelih brojeva ne daje traženi broj članova Skupštine, ista se popunjava onim redosljedom političkih stranaka koje imaju veći broj iza decimalnog zareza (veću apsolutnu vrijednost).

Pregled mjesta u Skupštini i Savjetu na temelju ovog postupka, pravi i dostavlja mjesna zajednica Općinskom načelniku i službi koja koordinira rada sa MZ-a.

Član 21.

Prvu-konstituirajuću sjednicu Skupštine mjesne zajednice saziva i njome predsjedava, do izbora novog predsjedavajućeg, predsjedavajući Skupštine mjesne zajednice iz ranijeg saziva, a u slučaju njegove spriječenosti njegov zamjenik, a u slučaju i njegove spriječenosti najstariji predloženi član novog saziva Skupštine mjesne zajednice.

Član 22.

Skupština mjesne zajednice na prvoj - konstituirajućoj sjednici, na osnovu prijedloga političkih partija koje participiraju u Općinskom vijeću bira predsjedavajućeg Skupštine mjesne zajednice i donosi Odluku o konstituisanju novog saziva Skupštine mjesne zajednice. Novi saziv Skupštine mjesne zajednice, na osnovu prijedloga političkih partija koje participiraju u Općinskom vijeću, donosi Odluku o imenovanju Savjeta mjesne zajednice.

Član 23.

Mandat člana Skupštine MZ traje **4 godine** a prestaje:

- istekom perioda za koji je izabran,
- ostavkom,
- preseljenjem sa područja MZ,
- opozivom zbog nerada, odnosno zbog neprisustvovanja sjednicama Skupštine,
- upućivanjem na izdržavanje kazne zatvora duže od 3 mjeseci,
- ako je pravosnažnom sudskom odlukom lišen poslovne sposobnosti,
- ukoliko tri puta neopravdano izostane sa sjednice skupštine,

Član 24.

Ako članu prestaje mandat prije isteka roka za koji je izabran, dopunski izbor će se provesti na način i po postupku utvrđenom za redovne izbore.

Član 25.

Skupština MZ se konstituše izborom predsjednika Skupštine i njegovog zamjenika, Savjeta MZ i radnih tijela. Izbor se vrši većinom glasova svih članova u Skupštini MZ.

Član 26.

Predsjednik i zamjenik predsjednika Skupštine MZ biraju se na period od 4 godine i mogu biti još jedanput birani uzastopno na istu funkciju.

Član 27.

Predsjednik Skupštine MZ, predstavlja MZ u okviru ovlaštenja utvrđenih ovim Statutom, stara se o pripremi i sazivanju sastanaka, predsjedava sjednicama, potpisuje akte Skupštine MZ, usklađuje rad organa MZ i radnih tijela Skupštine MZ i vrši druge poslove koje mu odredi Skupština MZ u skladu sa ovim Statutom. Predsjednik i njegov zamjenik za svoj rad su odgovorni Skupštini MZ.

DJELOKRUG I NAČIN RADA SKUPŠTINE MJESNE ZAJEDNICE

Član 28.

Skupština MZ razmatra i većinom glasova izabраних članova odlučuje o:

- utvrđivanju prijedloga Statuta MZ, usvaja Statut te vrši proceduru vezanu za izmjene i dopune istog,
- dugoročnim planovima razvoja i kapitalnim ulaganjima na području MZ,
- drugim opštim akatima o kojima se odluka donosi ličnim izjašnjavanjem građana na zboru ili referendumom,
- finansijskom planu i završnom računu,
- godišnjem programu rada Skupštine MZ,
- izborima i imenovanjima,
- izvještaju o radu Savjeta MZ,
- obrazovanju organa i radnih tijela MZ,
- **pitanjima civilne zaštite,**
- **planu zaštite od elementarnih nepogoda,**
- programu razvoja zaštite i unapređenju životne sredine,
- odlukama o udruživanju sredstava MZ sa sredstvima drugih MZ, preduzećima i drugim organizacijama,
- odlukama o zaključivanjima ugovora, sporazuma koji su zakonom i statutom stavljeni u djelokrug Skupštine uz saglasnost Općinskog pravobranioca
- odlukama i zaključcima o raspolaganju i korištenju objekata i dobara u opštoj upotrebi na području MZ uz suglasnost Općinskog pravobranioca,

- izvršavanje programa mjera i zadataka organa mjesne zajednice donesenih od strane Savjeta, Općinskog načelnika i nadležnih općinskih službi,
- drugim odlukama i zaključcima ako ovim Statutom nije drugačije uređeno.

Član 29.

Prava i dužnosti članova Skupštine MZ su: da prisustvuju sjednicama i učestvuju u radu Skupštine MZ, da pokreću pitanja iz djelokruga Skupštine MZ, podnose prijedloge kao i da učestvuju u provođenju odluka i zaključaka Skupštine MZ. O svom radu članovi skupštine obavještavaju zbor građana odnosno druge zainteresirane subjekte (grupu građana, udruženja građana i dr.)

Član 30.

Jednom godišnje Skupština MZ podnosi izvještaj o svom radu, zboru građana i Općinskom načelniku putem Službe koja koordinira rad sa mjesnim zajednicama.

SAVJET MJESNE ZAJEDNICE

Član 31.

Novi saziv Skupštine mjesne zajednice, na osnovu prijedloga političkih partija koje participiraju u Općinskom vijeću, donosi Odluku o imenovanju Savjeta mjesne zajednice. Savjet mjesne zajednice kao izvršni organ upravljanja u mjesnoj zajednici broji _____ članova.

Član 32.

Sastav i broj članova Savjeta utvrđuje Skupština MZ odlukom. Predsjednik i članovi savjeta biraju se za period od 4 godine i mogu biti birani još jedanput uzastopno. Izbor članova Savjeta mjesne zajednice vrši na način i po proceduri propisanoj kao i za izbor članova Skupštine MZ.

Član 33.

Savjet MZ (u daljem tekstu:Savjet) u okviru prava i dužnosti odlučuje o:

- izvršavanju odluka i zaključaka Skupštine MZ, kao i provođenju odluka koje su u skladu sa ovim Statutom,
- operativnim planovima razvoja i kapitalnim ulaganjima na području MZ,
- pripremanju nacrta odnosno prijedloga i opštih akata za Skupštinu MZ,
- saradnji sa predsjednikom i radnim tijelima Skupštine MZ u pripremanju sjednica,
- saradnji sa Skupštinom MZ i drugim organima u MZ,
- obezbjeđivanju vršenja stručnih i administrativno-tehničkih poslova za organe MZ,
- pripremanju programa mjera i akcija o kojima se građani neposredno izjašnjavaju,
- organizovanju i koordiniranju mjera i akcija drugih subjekata u MZ,
- **predlaganju plana zaštite od elementarnih nepogoda,**
- izvršavanje programa mjera i zadataka organa mjesne zajednice donesenih od strane Općinskog načelnika i nadležnih općinskih službi,
- raspoložive finansijskim sredstvima mjesne zajednice do iznosa kojeg utvrdi Skupština MZ i podnosi Skupštini MZ izvještaj o utrošku istih,
- vršenju drugih poslova koji su mu stavljeni u nadležnosti zakonom, Statutom općine i odlukom Skupštine MZ.

Član 34.

Savjet mjesne zajednice predlaže kandidata za predsjednika Savjeta Općinskom načelniku.

Općinski načelnik imenuje predsjednika Savjeta svojim rješenjem. Ukoliko Savjet mjesne zajednice ne može postići konsenzus oko kandidata za predsjednika, Općinski načelnik će sam iz reda članova Savjeta imenovati predsjednika.

Predsjednik Savjeta zastupa MZ po pitanjima iz djelokruga Savjeta, rukovodi radom Savjeta, saziva sjednice i predsjedava im, potpisuje akte Savjeta i vrši druge poslove za koje ga Savjet ovlasti.

Predsjednik Savjeta MZ ne može u isto vrijeme obnašati i poziciju Općinskog vijećnika u Općinskom vijeću Tešanj.

Član 35.

Mandat člana Savjeta MZ traje **4 godine** a prestaje:

- istekom perioda za koji je izabran,
- ostavkom,
- preseljenjem sa područja MZ,
- **opozivom zbog nerada, odnosno zbog nepprisustvovanja sjednicama Savjeta,**
- upućivanjem na izdržavanje kazne zatvora duže od 3 mjeseci,
- ako je pravosnažnom sudskom odlukom lišen poslovne sposobnosti,
- ukoliko tri puta neopravdano izostane sa sjednice savjeta,

Predsjednik savjeta mjesne zajednice može biti razriješen od strane Općinskog načelnika ukoliko Savjet mjesne zajednice ne djeluje duže od 3 mjeseca ili ukoliko provodi aktivnosti suprotne Statutu Općine.

Član 36.

Za svoj rad Savjet je odgovoran Skupštini MZ i Općinskom načelniku.

Najmanje jedanput godišnje Savjet podnosi izvještaj o svom radu i finansijski izvještaj Skupštini MZ i Općinskom načelniku putem Službe koja koordinira rad sa mjesnim zajednicama.

Član 37.

Savjet radi u sjednicama. Savjet može punovažno odlučivati ako je na sjednici prisutno više od polovine od ukupnog broja izabраниh članova. Odluke i zaključke Savjet donosi većinom glasova prisutnih članova.

Član 38.

Savjet donosi poslovnik o svom radu.

OBLICI ODLUČIVANJA LIČNIM IZJAŠNJAVANJEM

REFERENDUM:

Član 39.

1. Referendum

Građani sa područja mjesne zajednice mogu putem referenduma neposredno odlučivati o pitanjima koja su od njihovog zajedničkog interesa, kao što su:

1. osnivanje nove mjesne zajednice,
2. zavođenje samodoprinosu za cijelu mjesnu zajednicu ili više mjesnih zajednica,
3. predlaganje donošenja akata o pitanjima koja su od interesa za život i rad građana, kao što su: izgradnja objekata komunalnog značaja, uređenje prostora, održavanje

- higijene i čistoće javnih površina na području općine, uvođenje samodoprinosu za određene namjene i druga pitanja od zajedničkog interesa za građane,
4. izjašnjavanje građana o pitanjima od općeg interesa za općinu, ako Općinsko vijeće zatraži takvo izjašnjavanje,
 5. druga pitanja za koje je zakonom određeno odlučivanje referendumom ili koja su u nadležnosti Skupštine MZ.

Član 40.

Pravo glasanja na referendumu imaju građani koji imaju stalno mjesto boravka na području mjesne zajednice, odnosno na području za koje se raspisuje referendum, koji imaju biračko pravo i koji su upisani u birački spisak.

Odluka donesena na referendumu koji je proveden za područje cijele općine obavezna je za Općinsko vijeće.

Član 41.

Prijedlog za raspisivanje referenduma mogu podnijeti:

- 1/3 (jedna trećina) vijećnika Općinskog vijeća,
- Općinski načelnik,
- 1/3 građana Zbora građana,
- Skupština mjesne zajednice većinom glasova svojih članova.

Član 42.

Odlukom o raspisivanju referenduma, koju donosi Općinsko vijeće na prijedlog predlagača iz člana 42., određuju se pitanja o kojima se na referendu građani trebaju izjasniti, mjesto, datum i način održavanja referenduma na području na kojem se provodi referendum.

Član 43.

Građani se po referendumskom pitanju izjašnjavaju sa "ZA" ili "PROTIV".

Član 44.

Referendum provodi komisija za provođenje referenduma koju imenuje Općinsko vijeće na prijedlog Skupštine MZ. Komisija za provođenje referenduma određuje glasačka mjesta u naseljima u kojima će se građani izjašnjavati na referendumu, kao i članove odbora koji će provesti izjašnjavanje zasebno za svako glasačko mjesto.

Član 45.

Prijedlog koji na referendumu ne bude prihvaćen ne može se ponovo iznijeti kao referendumsko pitanje, prije isteka roka od jedne godine od dana održavanja referenduma.

Član 46.

Odluka o raspisivanju referenduma bit će objavljena u "Službenom glasniku Općine Tešanj".

ANKETIRANJE

Član 47.

Građani se mogu o pojedinim pitanjima izjašnjavati putem provedene ankete. Anketiranje se može organizovati o svim pitanjima o kojima se raspravlja na zboru. Prijedlog o kome se građani izjašnjavaju putem ankete, usvojen je ako ga potpisivanjem prihvati većina od ukupnog broja građana u MZ koji imaju biračko pravo.

Član 48.

Skupština MZ pokreće postupak za anketiranje i utvrđuje prijedlog o kome će se provesti anketa među građanima. Način i postupak anketiranja bliže određuje Skupština MZ.

SREDSTVA ZA ZADOVOLJAVANJE POTREBA I INTERESA GRAĐANA

Član 49.

Posebnom odlukom Općinskog vijeća mogu se u MZ na prijedlog Općinskog načelnika povjeriti određeni stručni poslovi i drugi poslovi iz samoupravnog dijelokruga općine, a koji su od neposrednog interesa za prava i obaveze građana kao što su: dostavljanje podataka za plaćanje komunalne naknade i drugih prihoda općine, vođenje određenih evidencija i drugih poslova. Sredstva za obavljanje poslova iz predhodnog stava osiguravaju se u budžetu općine.

Član 50.

Sredstva za zadovoljavanje potreba i interesa građana u MZ obezbjeđuju se od:

- sredstava građana koja oni udružuju putem samodoprinosu ili na drugi način,
- naknada za usluge i drugih prihoda koje svojim aktivnostima ostvaruje mjesna zajednica,
- prihoda budžeta općine koja se ustupaju MZ u skladu sa razvojnim i drugim mogućnostima kao i sa planom razvoj mjesne zajednice,
- poklona, raznih donacija i iz drugih sredstava stečenih na zakonit način.

Član 51.

Nadzor nad zakonitošću rada organa mjesne zajednice obavlja Općinski načelnik neposredno i preko općinskih službi.

Radi ostvarivanja nadzora nad prikupljanjem i korištenjem sredstava Skupština MZ je dužna najmanje jedanput godišnje obavjestiti građane o naplati i korištenju sredstava.

Član 52.

Radi zadovoljavanja zajedničkih potreba i interesa građana u MZ sredstva se mogu obezbjeđiti i namjenskim udruživanjem rada i sredstava sa drugim mjesnim zajednicama i preduzećima.

Način udruživanja sredstava, njihovo namjensko korištenje vrši se u skladu sa kriterijima sadržanim u aktu o udruživanju sredstava.

Član 53.

Sredstva i prihodi MZ iskazuju se predračunom prihoda i rashoda a njihova definitivna raspodjela vrši se završnim računom. Predračun prihoda i rashoda i završni račun donosi Skupština MZ na prijedlog Savjeta MZ. Mjesna zajednica samostalno raspolaže svojim sredstvima. Naredbodavac za izvršenje predračuna prihoda i rashoda je predsjednik Skupštine i predsjednik Savjeta MZ ili drugo lice koje posebno ovlasti Skupština MZ ili Savjet MZ.

JAVNOST RADA

Član 54.

Rad organa mjesne zajednice je javan i dostupan građanima u mjesnoj zajednici kao i sredstvima informisanja. Građani imaju pravo da budu blagovremeno obavješteni o svim

važnijim pitanjima, kako u postupku razmatranja i utvrđivanja prijedloga, odluka o mjerama njihovog usvajanja i donošenja, tako i o samom toku njihove realizacije.

Član 55.

Javnost rada organa MZ obezbjeđuje se:

- javnim održavanjem sjednica organa MZ i njihovih radnih tijela,
- informisanjem putem sredstava javnog informisanja,
- objavljivanjem donesenih akata u "Službenom glasniku općine Tešanj".

SARADNJA MJESNE ZAJEDNICE SA DRUGIM MJESNIM ZAJEDNICAMA ODNOSNO SA DRUGIM SUBJEKTIMA

Član 56.

U ostvarenju svojih prava i dužnosti mjesna zajednica saraduje sa drugim mjesnim zajednicama, preduzećima i drugim organizacijama. Saradnja sa drugim mjesnim zajednicama ostvaruje se kroz zajedničke akcije na ostvarivanju zadataka koje predstavljaju zajednički interes građana. U cilju ostvarivanja saradnje sa preduzećima i drugim organizacijama i zajednicama, mjesna zajednica predlaže mjere za zajedničko rješavanje pitanja, utvrđivanje međusobnih prava i obaveza, podstiče udruživanje rada i sredstava u rješavanju pojedinih pitanja od zajedničkog interesa.

DONOŠENJE I PROMJENA STATUTA

Član 57.

Inicijativu za izmjenu i dopunu važećeg Statuta mogu pokrenuti građani na zboru, organi mjesne zajednice i političke organizacije koje djeluju na području MZ. Inicijativa se podnosi Skupštini MZ. Skupština MZ razmatra inicijativu i o zauzetom stavu obavještava podnosioca.

Član 58.

Ako Skupština MZ prihvati inicijativu iz predhodnog stava, preduzima mjere za izradu prijedloga novog Statuta, odnosno za izmjene i dopune važećeg Statuta. Prijedlog Statuta razmatra i utvrđuje Skupština MZ nakon provedene javne rasprave na zboru građana. Prijedlog je usvojen ako se za njega izjasne dvije trećine članova Skupštine MZ.

Član 59.

Saglasnost na Statut mjesne zajednice daje Općinski načelnik. Ukoliko Skupština ne donese Statut u roku od 3 mjeseca radi usklađivanja sa Statutom Općine Tešanj, isti će proglasiti Općinski načelnik. Tako donešen Statut ostaje na snazi dok Skupština ne izvrši usaglašavnaje u redovnoj proceduri.

Član 60.

Izmjene i dopune Statuta mjesne zajednice vrše se Odlukom na način i po postupku predviđenom za njegovo donošenje.

Član 61.

Usklađivanje opštih akata i organizacija mjesne zajednice sa ovim Statutom izvršit će se najkasnije u roku od 3 mjeseca od dana stupanja na snagu ovog Statuta.

Član 62.

Danom stupanja na snagu ovog Statuta prestaje da važi raniji Statut. Ovaj Statut stupa na snagu /8/ osmog dana od dana objavljivanja na oglasnoj ploči.

**PREDSJEDNIK SKUPŠTINE
MJESNE ZAJEDNICE**
